



საჯარო ინფორმაციის ხელმისაწვდომობის უზრუნველყოფის შესახებ 2024 წლის ანგარიში /2023 წლის 11 დეკემბერი - 2024 წლის 10 დეკემბერი/

საქართველოს ზოგადი ადმინისტრაციული კოდექსის 49-ე მუხლის შესაბამისად, დოკუმენტში ასახულია ინფორმაცია პერსონალურ მონაცემთა დაცვის სამსახურის მიერ, 2023 წლის 11 დეკემბრიდან 2024 წლის 10 დეკემბრის ჩათვლით, საჯარო ინფორმაციის გაცემისა და პერსონალურ მონაცემთა დამუშავების თაობაზე.


საჯარო ინფორმაციის მოთხოვნა

2023 წლის 11 დეკემბრიდან 2024 წლის 10 დეკემბრის ჩათვლით, პერსონალურ მონაცემთა დაცვის სამსახურში საჯარო ინფორმაციის გაცემაზე **227** მოთხოვნა შემოვიდა, საიდანაც **192** შემთხვევაში მოთხოვნა დაკმაყოფილდა სრულად, ხოლო **35** შემთხვევაში მოთხოვნა არ დაკმაყოფილდა, რადგან:

- **15** შემთხვევაში ინფორმაცია არ იყო მოთხოვნილი დადგენილი ფორმით, რის გამოც დადგინდა ხარვეზი, რომელიც განმცხადებლების მიერ არ შეივსო. შესაბამისად, მოთხოვნები დარჩა განუხილველი, განმცხადებლებს გაეცათ დასაბუთებული პასუხები და განემარტათ გასაჩივრების წესი.
- **20** შემთხვევაში მოთხოვნილი ინფორმაცია პერსონალურ მონაცემთა დაცვის სამსახურში არ იყო დაცული.

საანგარიშო პერიოდში შემოსული ყველა მოთხოვნის განხილვა დასრულებულია.

შემოსული მოთხოვნების რაოდენობა



საჯარო ინფორმაციაზე უარის გასაჩივრება

2023 წლის 11 დეკემბრიდან 2024 წლის 10 დეკემბრის ჩათვლით, პერსონალურ მონაცემთა დაცვის სამსახურმა, საჯარო ინფორმაციის გაცემის 35 მოთხოვნაზე მიიღო უარის თქმის თაობაზე გადაწყვეტილება, რომელიც არ გასაჩივრებულა.

საჯარო ინფორმაციაში შესწორების შეტანის მოთხოვნა

2023 წლის 11 დეკემბრიდან 2024 წლის 10 დეკემბრის ჩათვლით, პერსონალურ მონაცემთა დაცვის სამსახურში მოთხოვნა საჯარო ინფორმაციაში შესწორების შეტანის თაობაზე არ შემოსულა.

საჯარო ინფორმაციის გაცემაზე უარის თქმის საფუძვლები

საჯარო ინფორმაციის გაცემის მოთხოვნის დაკმაყოფილებაზე უარის თქმის შესახებ გადაწყვეტილების მიღებისას, სამსახური ეყრდნობა საქართველოს ზოგად ადმინისტრაციულ კოდექსს, „პერსონალურ მონაცემთა დაცვის შესახებ“ საქართველოს კანონს და პერსონალურ მონაცემთა დაცვის სამსახურის უფროსის 2024 წლის 29 თებერვლის №24 ბრძანებით დამტკიცებულ „პერსონალურ მონაცემთა დაცვის სამსახურში საჯარო ინფორმაციის ელექტრონული ფორმით მოთხოვნის სტანდარტს“.

ზოგადი ადმინისტრაციული კოდექსის მოთხოვნათა დარღვევა

საქართველოს ზოგადი ადმინისტრაციული კოდექსის მოთხოვნების სამსახურის თანამშრომელთა მიერ დარღვევის შემთხვევა არ გამოვლენილა. შესაბამისად, აღნიშნულ საკითხზე სამსახურის არცერთი თანამშრომლის მიმართ დისციპლინური წარმოება არ ჩატარებულა.

ხარჯები

- ✓ საჯარო ინფორმაციის დამუშავებისა და გაცემის ხარჯმა შეადგინა 0 (ნული) ლარი (დოკუმენტები მოთხოვნილი და გადაცემული იქნა ელექტრონული ფორმით).
- ✓ გასაჩივრებასთან დაკავშირებული ხარჯი არ წარმოშობილა.

გადაწყვეტილების მიმღები თანამშრომლის ვინაობა

პერსონალურ მონაცემთა დაცვის სამსახურში საჯარო ინფორმაციის ხელმისაწვდომობის უზრუნველყოფასა და ინფორმაციის პროაქტიულ გამოქვეყნებაზე პასუხისმგებელი პირი იყო: 2023 წლის 1 ნოემბრიდან 2024 წლის 10 იანვრამდე პერსონალურ მონაცემთა დაცვის სამსახურის იურიდიული დეპარტამენტის უფროსის მოვალეობის შემსრულებელი - შავლეგ თოდუა; 2024 წლის 10 იანვრიდან 2024 წლის 20 აგვისტომდე, პერსონალურ მონაცემთა დაცვის სამსახურის იურიდიული დეპარტამენტის უფროსი - ლიკა კობალაძე; 2024 წლის 20 აგვისტოდან 10 სექტემბრის ჩათვლით, პერსონალურ მონაცემთა დაცვის სამსახურის იურიდიული დეპარტამენტის უფროსის მოადგილე - შავლეგ თოდუა; 2024 წლის 11 სექტემბრიდან 2024 წლის 24 სექტემბრამდე, პერსონალურ მონაცემთა დაცვის სამსახურის იურიდიული დეპარტამენტის უფროსი - ლიკა კობალაძე; 2024 წლის 24 სექტემბრიდან 2024 წლის 8 ოქტომბრის ჩათვლით, პერსონალურ მონაცემთა დაცვის სამსახურის იურიდიული დეპარტამენტის უფროსის მოადგილე - შავლეგ თოდუა.

2024 წლის 9 ოქტომბრიდან დღემდე, პერსონალურ მონაცემთა დაცვის სამსახურში საჯარო ინფორმაციის ხელმისაწვდომობის უზრუნველყოფასა და ინფორმაციის პროაქტიულ გამოქვეყნებაზე პასუხისმგებელი პირია პერსონალურ მონაცემთა დაცვის სამსახურის იურიდიული დეპარტამენტის უფროსი - ლიკა კობალაძე.

შესაბამისად, საანგარიშო პერიოდში, საჯარო ინფორმაციის გაცემის/გაცემაზე უარის თქმის შესახებ გადაწყვეტილებას იღებდა/იღებს იურიდიული დეპარტამენტის უფროსი/უფროსის მოადგილე.

საჯარო მონაცემთა ბაზები და პერსონალურ მონაცემთა დამუშავება

- ✓ პერსონალურ მონაცემთა დაცვის სამსახურის ვებგვერდზე (pdps.ge) განთავსებულია გადაწყვეტილებების რეესტრი (<https://personaldata.ge/ka/decisions>), სადაც ისინი გასაჯაროებულია ფიზიკურ პირთა და კერძო სამართლის იურიდიული პირების იდენტიფიცირების გამომრიცხავი ფორმით.
- ✓ პერსონალურ მონაცემთა დაცვის სამსახური „პერსონალურ მონაცემთა დაცვის შესახებ“ საქართველოს კანონით გათვალისწინებული დამუშავების საფუძვლებისა და პრინციპების შესაბამისად, ფიზიკური და იურიდიული პირების განცხადებების/ნებართვების განხილვისა და საქართველოს კანონმდებლობით დაკისრებული სხვა უფლებამოსილების განხორციელების ფარგლებში ამუშავებს პერსონალურ მონაცემებს. პერსონალურ მონაცემთა დაცვის სამსახურის უფროსის მიერ მიღებული გადაწყვეტილებები, რომლებიც შეიცავს განმცხადებელთა და მესამე პირთა პერსონალურ მონაცემებს, მესამე პირებს გადაეცემათ მონაცემთა სუბიექტის იდენტიფიცირების გამომრიცხავი ფორმით.
- ✓ საჯარო ინფორმაციის მოთხოვნა შესაძლებელია ასევე ელექტრონული ფოსტის მეშვეობითაც - office@pdps.ge და foi@pdps.ge.